

Skeiða- og Gnúpverjahreppur  
 Árnes  
 801 Selfoss

Skeiða- og Gnúpverjahreppur	
Bnr. 00	K/S 17.9.18
Ábm.	Svfr.
Afgr.	( )Bréf ( )St.
Lvm.	Trm.

Reykjavík 10. september 2018  
 UST201809-111/I.M.B.  
 09.03

**Tillaga að friðlýsingu svæðis í verndarflokki rammaáætlunar til kynningar  
 Suðurland - vatnasvið Jökulfalls og Hvítár í Árnessýslu: 32 Gýgjarfossvirkjun og  
 33 Bláfellsvirjkjun**

Umhverfisstofnun vinnur nú að undirbúningi friðlýsinga svæða í verndarflokki rammaáætlunar sbr. 53. gr. náttúruverndarlanga nr. 60/2013. Þar segir að svæði sem falla í verndarflokk verndar- og orkunýtingaráætlunar sem Alþingi hefur samþykkt skuli friðlýsa gagnvart orkuvinnslu og að friðlýsingin skuli fela í sér að orkuvinnsla er óheimil á viðkomandi svæði. Það ferli sem unnið verður eftir var kynnt með bréfi til sveitarfélaga sem hafa landsvæði í verndarflokki innan sinna marka með bréfi dags. 27. júlí 2018.

Ekki er gert ráð fyrir að sérstök umsjón eða landvarsла verði á þeim svæðum sem friðlýst verða með þessum hætti. Friðlýsing svæða í verndarflokki rammaáætlunar er hluti af því átaki í friðlýsingum sem umhverfis- og auðlindaráðherra kynnti í ríkisstjórn þann 8. júní sl. til samræmis við sáttmála ríkisstjórnarinnar eins og fram kemur í frétt á heimasíðu ráðuneytisins.

### Pingsályktun

Forsaga málsins er sú að þann 14. janúar 2013 var samþykkt á Alþingi þingsályktun um vernd og orkunýtingu landsvæða, svokölluð rammaáætlun. Umhverfisstofnun er falið það hlutverk að undirbúa friðlýsingu þeirra svæða sem flokkuð eru í verndarflokk samkvæmt lögum nr. 48/2011 um verndar- og orkunýtingaráætlun. Í 6. gr. laganna er fjallað um verndarflokkinn en þar kemur fram að í hann falli virkjunarkostir sem ekki er talið rétt að ráðast í og þau landsvæði sem ástæða er talin til að friðlýsa gagnvart orkuvinnslu. Þar kemur jafnframt fram að stjórnvöldum sé ekki heimilt að veita leyfi tengd orkurannsóknunum eða orkuvinnslu vegna virkjunarkosta eða landsvæða sem flokkuð hafa verið í verndarflokk. Aðrar orkurannsóknir sem ekki eru leyfisskyldar eru ekki heimilar á þessum svæðum að því undanskylldu að heimilt er að veita leyfi til yfirborðsrannsókna á þessum svæðum að fengnu samþykki Umhverfisstofnunar og umsögn Náttúrufræðistofnunar Íslands.

### Málsmeðferð

Undirbúningur að friðlýsingu svæðanna í verndarflokki rammaáætlunar er unninn í samræmi við þá málsmeðferð sem lýst er í lögum nr. 60/2013 um náttúruvernd. Í málsmeðferðinni felst að Umhverfisstofnun skal gera drög að friðlýsingarskilmálum og

leggja fyrir landeigendur og aðra rétthafa lands, viðkomandi sveitarfélög og aðra sem hagsmuna eiga að gæta. Jafnframt skal kynna landeigendum og öðrum rétthöfum lands rétt til bóta skv. 42. gr. Frestur til að gera athugasemdir við fyrirhugaða friðlýsingu skal vera þrír mánuðir.

Eftir að þriggja mánaða kynningartíma lýkur tekur Umhverfisstofnun saman umsögn um framkomnar athugasemdir við tillöguna og vísar tillögu að friðlýsingarskilmálum til ráðherra.

### Tillaga að friðlýsingu

Skaftárhreppi er hér með send tillaga að friðlýsingu svæðis sem skilgreint hefur verið í tengslum við svæði í verndarflokki – Suðurland - vatnasvið Jökulfalls og Hvítár í Árnessýslu: 32 Gýgjarfossvirkjun og 33 Bláfellsverkjun sem lagt er til að verði friðlyst. Meðfylgjandi er tillaga að friðlýsingu svæðisins og kort þar sem mörk svæðisins eru dregin upp.

### Forsendur fyrir afmörkun svæðisins

Við afmörkun verndarsvæða vegna landsvæða í verndarflokki styðst umhverfis- og auðlindaráðuneytið almennt við aðferðir þær sem faghópur 1 í 2. áfanga rammaáætlunar notaði til að afmarka svæði, annars vegar vegna vatnsafls- og hins vegar vegna jarðhitavirkjana. Afmörkun svæða vegna vatnsaflsvirkjana er lýst á bls. 48-49 í lokaskýrslu verkefnisstjórnar 2. áfanga, sjá <http://www.atvinnuvegaraduneyti.is/media/Acrobat/Rammaaetlun-1.pdf> og afmörkun svæða vegna jarðhitavirkjana er lýst á bls. 49 í sömu skýrslu.

Hér háttar þannig til að nokkur fjöldi af öðrum virkjunarkostum neðar í ánni hefur verið lagður fram til umfjöllunar í rammaáætlun. Ráðuneytið telur eðlilegt að þeir virkjunarkostir fái meðferð skv. lögum nr. 48/2011 og því verður farvegur Hvítár ekki friðlystur til sjávar að svo komnu máli. Í ljósi skilgreiningar á áhrifasvæði virkjunarkosta er talið rétt að friðlysa árfarveginn niður að efstu orkumannvirkjum virkjunarkosta í ánni sem komið hafa til umfjöllunar í rammaáætlun, þ.e. í þessu tilfelli að lóni fyrirhugaðrar Búðartunguvirkjunar eins og hún var kynnt í 3. áfanga rammaáætlunar. Því er lagt til að verndarsvæði vegna Hvítár/Jökulfalls sé vatnasvið ofan stíflumannvirkja fyrrum fyrirhugaðrar Bláfellsverkjunar og meginfarvegur Hvítár þar fyrir neðan, 500 m út frá miðlinu til beggja handa, að efstu mörkum fyrirhugaðs lóns Búðartunguvirkjunar eins og hún var kynnt í 3. áfanga rammaáætlunar. Mörk svæðisins fylgi jökuljaðri. Þar sem vatnasvið Gýgjarfossvirkjunar er hluti af vatnasviði Bláfellsverkjunar er **lagt til að friðlyst verði eitt samfellt svæði sem nær til vatnasviða beggja þessara virkjunarkosta.**

Umhverfisstofnun óskar eftir að erindi þetta verði einnig kynnt náttúruverndarnefnd sveitarfélagsins.

Frestur til að skila athugasemdum er til og með 14. desember 2018. Að kynningartíma loknum tekur Umhverfisstofnun saman umsögn um framkomnar athugasemdir við tillöguna og vísar tillögu að friðlýsingarskilmálum til ráðherra.

Athugasemdum skal skilað á heimasíðu Umhverfisstofnunar, [www.ust.is](http://www.ust.is), með tölvupósti á netfangið [ust@ust.is](mailto:ust@ust.is) eða með pósti til Umhverfisstofnunar, Suðurlandsbraut 24, 108 Reykjavík.

Frekari upplýsingar veita undirritaðar í síma 591-2000 eða á netföngunum  
[ingibjorg.bjarnadottir@umhverfisstofnun.is](mailto:ingibjorg.bjarnadottir@umhverfisstofnun.is), [sigruna@umhverfisstofnun.is](mailto:sigruna@umhverfisstofnun.is) og  
[hildurv@umhverfisstofnun.is](mailto:hildurv@umhverfisstofnun.is).

Virðingarfyllst



Sigrún Ágútsdóttir  
Sviðsstjóri



Ingibjörg M. Bjarnadóttir

Ingibjörg M. Bjarnadóttir  
Sérfræðingur

### Fylgiskjöl

Drög að auglýsingu um friðlýsingu svæðisins.  
Kort af því svæði sem tillagan nær til.

### Samhljóða bréf sent:

Forsætisráðuneyti  
Bláskógabyggð  
Húnavatnshreppi  
Hrunamannahreppi



## TILLAGA AÐ AUGLÝSING

um verndarsvæði á Suðurlandi - vatnasvið Jökulfalls og Hvítár í Árnessýslu: 32 Gýgjarfossvirkjun og 33 Bláfellsverkjun í verndarflokki verndar- og orkunýtingaráætlunar

1. gr.

*Um friðlýsinguna*

Umhverfis- og auðlindaráðherra hefur ákveðið, á grundvelli verndarflokks þingsályktunr nr. 13/141, frá 14. janúar 2013, að friðlýsa vatnasvið Jökulfalls og Hvítár í Árnessýslu: 32 Gýgjarfossvirkjun og 33 Bláfellsverkjun í Bláskógbabyggð, Hrunamannahreppi, Húnavatnshreppi og Skeiða- og Gnúpverjahreppi gagnvart orkuvinnslu á grundvelli 53. gr. laga nr. 60/2013 um náttúruvernd.

Verndarsvæðið er 139.170 hektarar að stærð.

2. gr.

*Markmið friðlýsingarinnar*

Tilgangur og markmið friðlýsingarinnar er að vernda vatnasvið Jökulfalls og Hvítár í Árnessýslu: 32 Gýgjarfossvirkjun og 33 Bláfellsverkjun gegn orkuvinnslu.

3. gr.

*Mörk verndarsvæðisins*

Mörk verndarsvæðisins eru sýnd á korti og afmarkast af þeim hnitum sem gefin eru upp í ISN93 hnitarkefi í viðauka I.<sup>1</sup>

4. gr.

*Mannvirkjagerð og orkurannsóknir*

Orkuvinnsla innan marka verndarsvæðisins er óheimil. Ekki er heimilt að veita leyfi tengd orkurannsóknum eða orkuvinnslu á verndarsvæðinu. Að fengnu samþykki Umhverfisstofnunar og að undangenginni umsögn Náttúrufræðistofnunar Íslands er heimilt að stunda yfirborðsrannsóknir á verndarsvæðinu.

5. gr.

*Refsiákvæði*

Brot gegn friðlýsingu þessari varða sektum eða fangelsi allt að tveimur árum, sbr. 90. gr. laga um náttúruvernd, nr. 60/2013.

6. gr.

*Gildistaka*

Friðlýsingin öðlast þegar gildi.

*Umhverfis- og auðlindaráðuneyti, dagsetning*

---

Umhverfis- og auðlindaráðherra

<sup>1</sup> Hnitaskrá verður birt á heimasíðu Umhverfisstofnunar, [www.ust.is](http://www.ust.is), eigi síðar en 14. september 2018. Nánari upplýsingar veitir Ingibjörg Marta Bjarnadóttir í síma 5912000.





0 2 4 6 8 10 12 14 16 18 20 Km

